

Berita Harian MALAYSIA

KHAMIS, 7 DISEMBER, 1978

Minat niaga Bumiputera

Bahan asal dari Arkib
Negara Malaysia

SERUAN Kerajaan kepada Bumiputera supaya menyertai bidang perindustrian dan perniagaan telah menarik minat sebilangan ramal dari mereka itu. Tetapi ramal pula dari mereka ini mempunyai berbagai kekurangan, kekurangan modal, kekurangan pengetahuan, kekurangan hubungan malah ada yang tidak mengetahui industri apa atau perniagaan apa yang mereka hendak buat.

Bagaimanapun, adanya minat itu adalah satu tapak yang harus diperkuat dan peminat-peminat itu diberi segala galakan dan sokongan untuk mempercepat penyer-taan 30 peratus Bumiputera dalam bidang tersebut.

Lebih ramal Bumiputera dapat meyertai perindustrian-perindustrian dan perniagaan-perniagaan yang lebih besar jika Kerajaan memberi lebih perhatian kepada Bumiputera yang sekarang menjalankan perusahaan atau perniagaan kecil.

Timbalan Perdana Menteri Dato Seri Dr. Mahathir Mohamed mengaku peniaga-peniaga kecil Bumiputera ini menghadapi tiga masalah besar pada masa ini, iaitu sumber bekalan barang-barang perniagaan, tempat perniagaan yang sesuai dan kredit barang dari sumber-sumber bekalan.

Menurutnya, di bawah Rancangan Malaysia Ketiga, Kerajaan telah mengun-tukkan \$30 juta menyediakan kemudahan-kemudahan dan bantuan-bantuan kepada peniaga-peniaga kecil Bumiputera ini yang berjumlah kira-kira 25,000. Peruntukan ini belum pernah dibuat pada masa lalu.

Apa yang perlu difikirkan sekarang ialah di antara peniaga-peniaga kecil ini tentulah ada yang berminat dan berkebolehan men-jalankan perniagaan yang lebih besar. Dengan bantuan yang diberikan itu Kera-jaan mungkin dapat mengetahui potensi seseorang peniaga atau perniagaan kecil itu dan memilih mana-mana yang ada harapan untuk diberi bantuan yang lebih besar. Mungkin ada di antara peniaga-peniaga kecil ini yang mempunyai inisiatif dan kebolehan yang lebih besar dari setengah-setengah 'peniaga besar' kita sekarang.

Dengan lain-lain perkataan, mana-mana peniaga kecil yang sungguh-sungguh berminat dan berkebolehan menjalan perniagaannya dengan lebih cekap, harus diberi bantuan yang lebih bererti supaya lebih cepat dapat mengendalikan perniagaan yang lebih besar. Peniaga-peniaga seperti ini mungkin dapat men-capai taraf yang lebih tinggi tanpa bantuan pun, tetapi akan memerlukan masa yang lebih lama.

Dan masa amatlah berharga pada masa ini.